

Megjegyzések néhány keleti növényfajról.
Bemerkungen über einige orientalische Pflanzenarten.

Irta: }
 Von: } **Dr. Á. v. Degen.**

CXI. *Crepis Nestmeieri* F. HERM. et. DEG.

E sectione *Barchhausia* (MOENCH) BOISS. Fl. or. III. 1875:832
Caule spithameo vel ultra, basi foliis emarcidis tecto, profunde sulcato, sparse setulis crispulis albidis, basin versus dilatatis, tecto, a parte media vel jam a basi dichotome ramoso, ramis arcuatis, 1—3-cephalis, in parte inferiore setulosus in superiore glabris, sub capitulis paulo incrassatis; *foliis* ad partem inferiorem caulis congestis, ambitu oblongo-spathulatis, in petiolum attenuatis, runcinato-pinnatifidis, lobis late triangularibus, deorsum flexis, iis *Taraxaci officinalis* similibus, apice calloso induratis, subtus glaucescentibus, utrinque glabris vel subtus ad nervum medianum parce breviter setulosus; caulinis basi incisa biauriculatis, oblongis, apice attenuatis, summis lanceolatis; *anthodii squamis* extimis lanceolatis, margine et dorso parce setulosus vel omnino glabris, intimis elongato-lanceolatis, duplo longioribus, apice obtusiusculis, dorso glabris, margine pellucidis, demum obtuse carinatis, induratis, achenia marginalia occultantibus; *flosculis* flavis; *achenis* exterioribus teretibus, vix striatis, sensim attenuatis, erostratis, internis striatis, scabridulis, in rostrum tenue, scabridulum eis longius, involucreo brevius, abeuntibus. Bi-vel multiennis.

Proxime affinis *C. rhoeadifoliae* M. B., differt duratione bi-vel multienni, caulibus humilioribus, basi foliis emarcidis obvullatis, profundius sulcatis, sparse setulosus, superne ramisque glabris vel subglabris, capitulis minoribus, involucri squamis glabrescentibus, tantum margine et medio parce setulosus, interioribus omnino glabris, achenis (cum pappo 5 mm longo) paulo brevioribus (13 mm) (in *C. rhoeadifolia* cum pappo 6 mm, longo 16 mm); foliis minus dissectis, glabris, tantum margine et subtus ad nervum medianum parcellissime breviter setulosus, supra viridibus, subtus glaucis.

A *C. radicata* S. S. Fl. graec. VIII:800 (!) (*C. foetida* γ *maritima* Boiss. l. c. 851) aequaliter perennante omnino differt habitu, caule ramoso, nec caulibus e collo ortis numerosis, monocephalis et glabritie.

C. rodigioides SCHULTZ BIP. in Kotschy, Pl. Alepp. exsicc. ex

HAUSSK. Symb. ad Flor. graec. 137, habitu et glabritie similis, differt caulibus monocephalis, anthodii squamis exterioribus latioribus, interioribus griseo-puberulis, nec glabris.

Hab. in Thracia orientali. In rupibus calcareis sinum Tschilingos a septentrione et meridie imminentibus detexit Idibus Juliis a. 1927 F. HERMANN. (Conf.: F. HERMANN, Pflanzen aus Ost-Thrakien in *Bullet. de la Société bot. de Bulgarie*, V. 1932:142).

In honorem d. FRIDERICI NESTMEIERI norimbergensis, olim constantinopolitani, sine cujus auxilio dom. F. HERMANNIO impossibile fuisset locos hic memoratos visitare.

XCII. A *Dianthus pinifolius* S. S.-nak két keletbalkáni alfajáról. Ueber zwei ostbalkanische Rassen des *Dianthus pinifolius* S. S.

Dianthus pinifolius S. S.

ssp. *Hermanni* DEG.

A typo (*D. pinifolio* ssp. *Smithii* WETTST. Beitr. z. Fl. v. Alb. p. 33) differt squamis calycinis apice dilatatis, cordato-truncatis paulo scariosis, arista ad mucronem $1\frac{1}{2}$ mm longum reducta.

Planta spithamea vel ultra foliis angustissimis, scabris¹⁾ interdum valde curvatis, capitulis pauci-(3—5-)floris, calycibus eis typi brevioribus.

Hab. in Thracia orientali. In pascuis lapidosis calcareis ad Sudshak et Tscherkesköi m. Jun. et Jul. 1927 legit F. HERMANN.

Dianthus pinifolius S. S.

ssp. *thracicus* DEG. et HERM.

A typo differt foliis brevibus, duplo latioribus (non setaceo-convolutis), crassis, falcatis, glaucis, scaberrimis.

Squamae calycinae apice dilatatae, cordato-truncatae, aristis calycem aequantibus.

Planta nana, caespitosa.

Hab. in Thracia orientali. Istrandsha-Dagh. In pascuis calcareis inter Indshesköi et Urun Bejli. Die 27. m. Jul. 1927 legit F. HERMANN.

¹⁾ NB. Folia *D. pinifolii* a S. S. in Fl. graec. Prodr. I. 284 *glabra* describuntur. Tales plantas nondum vidi. Squamae calycinae *D. pinifolii* subspecierumque hucusque distinctarum (Cfr. BORNMÜLLER, Beitr. z. Fl. v. Mazed. 400—401) plerumque ovatae, apice (paulo scariosae) in aristam abrupte rotundato-attenuatae rarius cordato-truncatae. Haec posteriores vero *D. pinifolio* („squamis calycinis obcordatis“) respondent.